



Barat d'infuormaziuns tanter TESSVM e suprastanza cumünala

La suprastanza cumünala es gnüda insembel cun Bernhard Aeschbacher, co-directer da la TESSVM ad üna sezzüda d'infuormaziun. Id es gnü orientà e barattà infuormaziuns sur da progets passats, actuals e futurs e piazza lur giavüschs.

EW Zernez - surdattas da lavur

Il proget da sanaziun e rimplazzamaint dal scumpart da tensiun bassa illa staziun da transfuormaziun TS Posta ed il proget da sanaziun e rimplazzamaint dal scumpart da mezza tensiun illa staziun da transfuormaziun TS Chasa da scoula sun in planisaziun. La suprastanza cumünala ha in quist connex surdat las seguaintas lavurs:

- TS Posta: surdatta montascha electrica a la firma EE-Energia Engiadina SA, Scuol
- TS Chasa da scoula: surdatta montascha electrica a la firma EE-Energia Engiadina SA, Scuol e furniziun dal indriz da scumpart da mezza tensiun a la ditta Siemens Schweiz AG, Turich.

Proget d'infrastructura Viel, Zernez - surdattas da lavurs

In connex cul proget da sanaziun da l'infrastructura Viel a Zernez sun gnüdas surdattas las seguaintas incumbenzas: lavurs d'impressari a la firma Bagger Cello GmbH, Zernez, lavurs da sanitari a la firma Tung SA, Zernez e las lavurs d'Inliner a la firma Rudigier Kanalreinigung AG, La Punt-Chamues-ch. La furniziun da l'iglüminaziun publica es già gnüda surdatta in marz. L'execuziun da las lavurs es previsa per d'utuon 2024.

Radon - Center cumünal, Zernez

Sün ordinaziun da l'Uffizi per la sgürezza da victualias e per la sandà da bes-chas (ALT) han tuot ils cumüns stuvü masürar la concentraziun da radon illas instituziuns da scoula e scoulina. l' Center cumünal a Zernez as ha constatà cha las immissiuns surpassan la valur maximala. La suprastanza cumünala ha approvà la dumonda da princip per la sanaziun dal radon e surdat las lavurs da progettaziun a la firma Oekoplan AG, Champfèr.

S-chodamaint chasa da scoula Lavin - adattamaint da proget e credit supplementar

Il cumün ha stuvü constatar, cha las prümas calculaziuns da cuosts pel rimplazzamaint dal s-chodamaint da la chasa da scoula a Lavin nu correspuondan a la situaziun efectiva. Tras quai s'es i in tschercha d'alternativas e gnü a la conclusiun ch'ün müdamaint da proget fa da bsögn. L'adattamaint da proget prevezza da montar duos systems independents per la chasa da scoula e la veglia chasa cumünala a Lavin. La suprastanza cumünala ha acconsenti il müdamaint da proget e deliberà ün credit supplementar da 90'000.00 chf per quistas lavurs.

Radunanza cumünala - 20 avuost 2024 - decisun

Causa mancanza da tractandas per la radunanza cumünala dals 20 avuost 2024 ha la suprastanza cumünala decis da sdir giò tala.

Dumondas da fabrica BaB

La suprastanza cumünala ha concess in sia sezzüda ün permiss da fabrica per edifizis dadour la zona da construcziun (BaB):

- Parcella no. 1139, Jäger Mario, Zernez - ingrondimaint stalla

Il Cumün da Zernez ha acconsenti ils seguaints permiss da fabrica:

- Parcella no. 0393/1046, Cumün da Zernez, Brail - piazza da giovar
- Parcella no. 0997, Godly Andrea Maini, Brail - indriz fotovoltaic vi dals balcuns
- Parcella no. 1094, Nuotclà & Da Silva GmbH, Zernez - container da büro
- Parcella no. 1301, Rauch Metallbau AG, Zernez - demoliziun suostas ed annex, nouv lavuratori cun garascha suotterrana
- Parcella no. 2003, Peretti Flurin e Martina, Susch – restructuraziun abitaziun
- Parcella no. 3012, Werenfels Christine, Lavin – ingrondimaint abitaziun